

II.

Neposrednu prijavu i pripremu predmeta u maloj privatizaciji provodit će nadležne agencije za privatizaciju.

III.

Rok za pripremu i prijavu predmeta u maloj privatizaciji je godina dana od dana stupanja na snagu ove Odluke.

IV.

Predmeti prodani u maloj privatizaciji obavezno se plaćaju u novcu.

V.

Stupanjem na snagu ove Odluke prestaje da važi Odluka o roku za prijavu javne prodaje u maloj privatizaciji broj 01-02-1362/02 od 21.03.2002. godine; broj : 01-02-5968/02 od 31.12.2002. godine; broj 04-02-5906/03 od 09.12.2003. godine; 04-19-5192/04 od 14.12. 2004. godine i broj 04-19-5162/05 od 21.12.2005. godine.

VI.

Ova Odluka stupa na snagu narednog dana od dana objave u "Službenim novinama Federacije BiH".

Broj 05-19-3413/06
26. oktobra 2006. godine
Sarajevo

Predsjednik
Upravnog odbora
Franjo Šaravanja, s. r.

Na temelju članka 27. stavak 2. Zakona o privatizaciji poduzeća ("Službene novine Federacije BiH", broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06), članka 14. stavak 1. a u svezi sa člankom 15. stavak 1. alineja 19. Statuta Agencije za privatizaciju u Federaciji Bosne i Hercegovine ("Službene novine Federacije BiH", broj 31/05 i 58/06), Upravni odbor Agencije za privatizaciju u Federaciji Bosne i Hercegovine, na 8. sjednici održanoj 26. listopada 2006. godine, donosi sljedeću

ODLUKU

O NEPOSREDNOJ PRIPREMI I PROVEDBI MALE
PRIVATIZACIJE

I.

Ovom Odlukom se regulira prijava i priprema male privatizacije za poduzeća koja nisu izvršila pripremu i prijavu predmeta male privatizacije do 30.06.2006. godine kao i rok za prijavu i pripremu i način plaćanja.

II.

Neposrednu prijavu i pripremu predmeta u maloj privatizaciji provodit će nadležne agencije za privatizaciju.

III.

Rok za pripremu i prijavu predmeta u maloj privatizaciji je godina dana od dana stupanja na snagu ove Odluke.

IV.

Predmeti prodani u maloj privatizaciji obavezno se plaćaju u novcu.

V.

Stupanjem na snagu ove Odluke prestaje da važi Odluka o roku za prijavu javne prodaje u maloj privatizaciji broj 01-02-1362/02 od 21.03.2002. godine; broj 01-02-5968/02 od 31.12.2002. godine; broj 04-02-5906/03 od 09.12.2003. godine; 04-19-5192/04 od 14.12. 2004. godine i broj 04-19-5162/05 od 21.12.2005. godine.

VI.

Ova Odluka stupa na snagu narednog dana od dana objave u "Službenim novinama Federacije BiH".

Broj 05-19-3413/06
26. listopada 2006. godine
Sarajevo

Predsjednik
Upravnog odbora
Franjo Šaravanja, v. r.

USTAVNI SUD

BOSNE I HERCEGOVINE

Ustavni sud Bosne i Hercegovine u Vijeću od pet sudija, u predmetu broj **AP 321/05**, rješavajući apelaciju **Hercegovačko-neretvanskog kantona**, na osnovu člana VI/3.b) Ustava Bosne i Hercegovine, člana 59. stav 2. alineja 2. i člana 61. st. 1. i 3. Pravila Ustavnog suda Bosne i Hercegovine ("Službeni glasnik Bosne i Hercegovine", broj 60/05), u sastavu:

Mato Tadić, predsjednik

Miodrag Simović, potpredsjednik

Hatidža Hadžiosmanović, potpredsjednica

Valerija Galić, sutkinja

Seada Palavrić, sutkinja

na sjednici održanoj 9. maja 2006. godine donio je

ODLUKU O MERITUMU¹

Odbija se kao neosnovana apelacija **Hercegovačko-neretvanskog kantona** podnesena protiv Presude Vrhovnog suda Federacije Bosne i Hercegovine broj Rev-99/03 od 11. januara 2005. godine i Presude Kantonalnog suda Mostar broj Gž-49/99 od 27. aprila 2000. godine.

Odluku objaviti u "Službenom glasniku Bosne i Hercegovine", "Službenim novinama Federacije Bosne i Hercegovine", "Službenom glasniku Republike Srpske" i u "Službenom glasniku Brčko Distrikta Bosne i Hercegovine".

OBRAZLOŽENJE

I. Uvod

1. Hercegovačko-neretvanski kanton (u daljnjem tekstu: apelant), kojeg zastupa Kantonalno javno pravobranilaštvo, a koji je pravni sljednik SIZ-a za regionalne puteve Mostar, koji je kao stranka učestvovao u predmetnom postupku okončanom presudom koja se osporava apelacijom, podnio je 2. marta 2005. godine Ustavnom sudu Bosne i Hercegovine (u daljnjem tekstu: Ustavni sud) apelaciju protiv Presude Vrhovnog suda Federacije Bosne i Hercegovine broj Rev-99/03 od 11. januara 2005. godine i Presude Kantonalnog suda Mostar broj Gž-49/99 od 27. aprila 2000. godine.

II. Postupak pred Ustavnim sudom

2. Na osnovu člana 22. st. 1. i 2. Pravila Ustavnog suda, od Vrhovnog suda Federacije Bosne i Hercegovine, Kantonalnog suda Mostar i zastupnika tužioca Ivana Ivankovića, advokata Josipa Muselimovića iz Mostara, zatraženo je 9. marta 2006. godine da dostave odgovore na apelaciju.

3. Vrhovni sud Federacije Bosne i Hercegovine odgovor na apelaciju je dostavio 22. marta 2006. godine, advokat Josip Muselimović 15. marta 2006. godine, a Kantonalni sud Mostar nije dostavio traženi odgovor u ostavljenom roku.

4. Na osnovu člana 26. stav 2. Pravila Ustavnog suda, odgovori na apelaciju dostavljeni su apelantu 5. aprila 2006. godine.

III. Činjenično stanje

5. Činjenice predmeta koje proizlaze iz apelantovih navoda i dokumenata predloženih Ustavnom sudu mogu se sumirati na sljedeći način.

6. Presudom Osnovnog suda u Mostaru broj P-2052/91 od 27. februara 1992. godine RO "Hercegovina putevi" OOUR Grude (u daljnjem tekstu: OOUR Grude) i SIZ za regionalne puteve Mostar (u daljnjem tekstu: SIZ) su obavezani da solidarno isplate štetu Ivanu Ivankoviću (u daljnjem tekstu: tužilac) a zbog štete prouzrokovane tužiocu iskliznućem motornog vozila sa regionalnog puta Čitluk-Ljubuški, koji nije bio očišćen od leda, uslijed čega je i došlo do iskliznuća tužiočevog vozila.

7. Presudom broj Gž-49/99 od 27. aprila 2000. godine Kantonalni sud Mostar (u daljnjem tekstu: Kantonalni sud) odbio je žalbe OOUR-a Grude i SIZ-a, izjavljene zbog povrede odredaba parničnog postupka i nepotpuno i pogrešno utvrđenog činjeničnog stanja, kao neosnovane i potvrdio prvostepenu presudu.

¹ Odluka je objavljena u "Službenom glasniku BiH", broj 87/06.